



Udruženje „Sindikata radnika u zdravstvu u Kantonu Sarajevo“

Obala Kulina bana 1, 71000 Sarajevo, Bosna i Hercegovina

Broj: 128/21

Sarajevo, 29.03.2021. godine

MEDIJI

Saopštenje za javnost

Prema objavi na web stranici Vlade Kantona Sarajevo (vlada.ks.gov.ba) 19. hitna sjednica Skupštine Kantona Sarajevo će se održati u utorak, 30.03.2021. godine, a na istoj bi zastupnici, na prijedlog Vlade Kantona Sarajevo, trebali raspravljati o Prijedlogu Odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2021. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2021. godinu.

Iako su, posredstvom sredstava informisanja, predstavnici Vlade Kantona Sarajevo upoznati o nedostacima pravnog osnova u određenim dijelovima Finansijskog plana Zavoda zdravstvenog osiguranja Kantona Sarajevo za 2021. godine, o čemu je u pisanoj formi upoznata i Zakonodavno - pravna komisija Skupštine Kantona Sarajevo, to nije spriječilo Ministarstvo zdravstva Kantona Sarajevo i Ministarstvo finansija Kantona Sarajevo da predlože Vladi Kantona Sarajevo davanje saglasnosti na navedeni plan, kao ni Vladu Kantonu Sarajevo da takav Finansijski plan Zavoda zdravstvenog osiguranja Kantona Sarajevo (u daljem tekstu: Finansijski plan ZZOKS) dostavi Skupštini Kantona Sarajevo na usvajanje.

Kako su se predstavnici izvršne i zakonodavne vlasti u Kantonu Sarajevo oglasili o naša upozorenja, ovim putem upoznajemo javnost, građane Kantona Sarajevo koji su finansijeri Zavoda zdravstvenog osiguranja Kantona Sarajevo o sljedećem:

Finansijski plan ZZOKS nema pravni osnov za planiranje sredstava u dijelu plana koji se odnosi na troškove rada zdravstvenih i nezdravstvenih radnika, što znači da taj plan ne sadrži sve elemente iz člana 20. stav 3. Zakona o budžetima u Federaciji BiH, konkretno ne sadrži podatak u skladu sa kojim zakonima i podzakonskim aktima se traže sredstva za rad radnika u zdravstvu. Poznato je da je nakon potpisivanja kolektivnih ugovora 2017. godine u Finansijskim planovima ZZOKS za 2018., 2019. i 2020. godinu, u dijelu troškova za radnike u zdravstvu, izričito navedeno da su kriteriji za obračun naknade za pružanje usluga zdravstvene zaštite određeni u skladu sa Kolektivnim ugovorom o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Granski kolektivni ugovor) i Kolektivnim ugovorom o pravima i obavezama poslodavaca i radnika u djelatnosti doktora medicine i stomatologije na teritoriji Kantona Sarajevo (Kolektivni ugovor doktora), te su isti navedeni i među propisima koji omogućavaju provedbu Finansijskih planova ZZOKS za navedene godine. Ono što je bitno ovdje naglasiti jeste da je Granski kolektivni ugovor, potpisan u novembru 2017. godine, istekao u februaru 2019. godine, dok Kolektivni ugovor doktora kako onaj potpisan u novembru 2017. godine tako i onaj iz decembra 2019. godine nikada nije ni mogao biti pravni osnov za izradu Finansijskih planova ZZOKS, što je potvrđeno presudom Kantonalnog suda u Sarajevu iz februara 2019. godine i presudom Vrhovnog suda Federacije BiH iz jula 2020. godine s naglaskom na činjenicu da je donošenjem pomenutih presuda Kolektivni ugovor doktora prestao da važi po sili zakona. Dakle, podzakonski akt prema kome se traže sredstva za pružaoce usluga u zdravstvu, odnosno za rad radnika u zdravstvu u Kantonu Sarajevo ne postoji još od februara 2019. godine, ali su unatoč tome,

tel/fax: 033 667 287, mob: 062 933 674

www.sindikatzdravstvaks.ba; e-mail: sindikatzdravstvaks@hotmail.com
ID:4202158440004; TRN: 134460100009367 ASA banka d.d. Sarajevo



Udruženje „Sindikat radnika u zdravstvu u Kantonu Sarajevo“

Obala Kulina bana 1, 71000 Sarajevo, Bosna i Hercegovina

vlade Kantona Sarajevo i Skupština Kantona Sarajevo usvajale Finansijske planove ZZOKS koji nije imao pravni osnov za izdatke prema radnicima u zdravstvu.

Činjenica je da u Finansijskom planu ZZOKS za 2021. godinu nisu, kako je to bilo ranijih godina, navedeni nazivi ni jednog od gore pomenutih kolektivnih ugovora, ali je nesporna činjenica da su u istom dati identični parametri za obračun plaće i ostalih naknada iz radnog odnosa kao i ranijih godina, samo sada uz navođenje ctt: „definisani koeficijenti složenosti“ bez navođenja akta kojim su definisani, što potvrđuje i ctt: „Obračun naknade za troškove rada vršen je na osnovu utvrđenih koeficijenata i pripadajućih prava koji su bili u primjeni 31.12.2020. godine“.

Iz svega naprijed navedenog se zaključuje da Finansijski plan ZZOKS za 2021. godinu sadrži parametre za obračun troškova rada zdravstvenih i nezdravstvenih radnika prije svega na osnovu koeficijenata i drugih prava iz Granskog kolektivnog ugovora koji je prestao da važi u februaru 2019. godine, odnosno na osnovu koeficijenata i drugih prava iz Kolektivnog ugovora doktora iz 2019. godine koji je donošenjem presude Vrhovnog suda Federacije BiH broj: 09 0 U 034555 20 Uvp od 02.07.2020. godine po sili zakona poništen.

Vlada Kantona Sarajevo umjesto da sa Sindikatom radnika u zdravstvu u Kantonu Sarajevo, kao jedinim reprezentativnim sindikatom u djelatnosti zdravstva u Kantonu Sarajevo, dogovori potpisivanje Granskog kolektivnog ugovora i otkloni dugogodišnji nedostatak pravnog osnova za izradu Finansijskog plana ZZOKS kako za prethodne godine počev od februara 2019. pa sve do ovog posljednjeg plana, nastavlja sa praksom nepoštivanja pozitivnih propisa i sudskih presuda, što potvrđuje i činjenica da je Finansijski plan ZZOKS za 2021. godinu uputila Skupštini Kantona Sarajevo na dalju proceduru.

Zbog svega navedenog pitamo predstavnike Vlade Kantona Sarajevo i skupštinske zastupnike Kantona Sarajevo je li na ovaj način građanima daju i pokazuju primjer vladavine prava i poštivanja sudskih presuda, a skupštinske zastupnike pozivamo da prije razmatranja Finansijskog plana ZZOKS za 2021. godinu i glasanja o istom, dobro analiziraju dostavljeni im plan uz provjeru relevantnih propisa. Tom prilikom neka pogledaju i Izvještaj o finansijskoj reviziji Zavoda zdravstvenog osiguranja KS za 2019. godine od 30.07.2020. godine, a posebno u dijelu u kome se konstatuje da je primjena Kolektivnog ugovora doktora počela od 01.01.2019. godine, da je Granski kolektivni ugovor prestao da važi i da traju pregovori za potpisivanje novog, zatim kapitalna ulaganja i servisiranje obaveza po kreditu Saudijskog fonda za razvoj, te u vezi sa navedenim dovedu relevante odredbe Zakona o radu, Zakona o upravnom postupku, Zakona o upravnim sporovima, Zakona o zdravstvenoj zaštiti, kao i već ranije dostavljene im presude po tužbama ovog Sindikata.

Ovakve radnje više neće proći bez pozivanja na odgovornost svih onih koji su učestvovali u donošenju Finansijskog plana ZZOKS za 2021. godinu i bez pokretanja postupaka kod nadležnih institucija jer 7.000 radnika u zdravstvu više neće trpjeti torturu koju je provodila vlada „šestorke“, „trojke“ i na kraju vlada „četvorke“ koja je sada vlada „trojke“, a odgovornost za ovakve radnje neće amnestirati ni zastupnički imunitet.



PREDSJEDNIK
Prim. dr. Edo Selimić, s.r.

tel/fax: 033 667 287, mob: 062 933 674

www.sindikatzdravstvaks.ba; e-mail: sindikatzdravstvaks@hotmail.com
ID:4202158440004; TRN: 134460100009367 ASA banka d.d. Sarajevo